

নম্বর: ৩৭.০০.০০০০.০৬১.২২.০০৫.১৬-৭৭/১

০৬ জুলাই ২০২২
তারিখ: -----
২২ আষাঢ় ১৪২৯

বিষয়: আন্তর্জাতিক মাতৃভাষা পদক নীতিমালা ২০১৯ (সংশোধিত-২০২২)।

বাংলাদেশসহ বিশ্বের অন্যান্য দেশের মাতৃভাষা সংরক্ষণ ও বিকাশে অনন্যসাধারণ অবদান (outstanding contribution for protection and promotion of mother languages throughout the world), মাতৃভাষার চর্চা, গবেষণা ইত্যাদি ক্ষেত্রে বিশেষ কৃতিত্বের স্বীকৃতিস্বরূপ আন্তর্জাতিক মাতৃভাষা ইনস্টিটিউট কর্তৃক পদক প্রদানের সিদ্ধান্ত গৃহীত হওয়ায় ‘আন্তর্জাতিক মাতৃভাষা পদক নীতিমালা ২০১৯ (সংশোধিত-২০২২)’ এতদ্বারা প্রণয়ন ও সংশ্লিষ্ট সকলের অবগতির জন্য জারি করা হলো।

১.০ সংক্ষিপ্ত শিরোনাম ও অধিক্ষেত্র

- ১.১ এই নীতিমালা “আন্তর্জাতিক মাতৃভাষা পদক নীতিমালা ২০১৯ (সংশোধিত-২০২২)” নামে অভিহিত হবে।
- ১.২ এর অধিক্ষেত্র হবে বাংলাদেশ এবং ইউনেস্কো-র সদস্যভুক্ত বিশ্বের অন্যান্য দেশ।
- ১.৩ এ নীতিমালা অবিলম্বে কার্যকর হবে।

২.০ সংজ্ঞা: বিষয় বা প্রসঙ্গের পরিপন্থী কোনও কিছু না থাকলে এ নীতিমালা দ্বারা সংজ্ঞায়িত হবে—

- ২.১ “ইনস্টিটিউট” অর্থ ‘আন্তর্জাতিক মাতৃভাষা ইনস্টিটিউট আইন ২০১০’-এর ধারা-৩ এর অধীনে প্রতিষ্ঠিত “আন্তর্জাতিক মাতৃভাষা ইনস্টিটিউট”।
- ২.২ “আন্তর্জাতিক মাতৃভাষা পদক” অর্থ মাতৃভাষার সংরক্ষণ ও বিকাশে বিশেষ অবদান, মাতৃভাষার চর্চা, গবেষণা ইত্যাদি ক্ষেত্রে অনন্যসাধারণ কৃতিত্বের স্বীকৃতিস্বরূপ দেশি ও বিদেশি ব্যক্তি বা প্রতিষ্ঠান/সংস্থার অনুকূলে এই নীতিমালার আওতায় আন্তর্জাতিক মাতৃভাষা ইনস্টিটিউট কর্তৃক প্রদত্ত পুরস্কার।
- ২.৩ “সম্মাননাপত্র” বলতে পদকের জন্য মনোনীত ব্যক্তি বা প্রতিষ্ঠান/সংস্থার অনুকূলে ইনস্টিটিউট কর্তৃক প্রদেয় অভিজ্ঞানপত্র/সম্মাননাপত্র (Certificate)।
- ২.৪ “বাছাই কমিটি” অর্থ পদক, পুরস্কার প্রদানের লক্ষ্যে ব্যক্তি, প্রতিষ্ঠান/সংস্থার আবেদন বা প্রস্তাব যাচাই-বাছাইপূর্বক মনোনয়ন কমিটি সমীপে সুপারিশ প্রেরণের জন্য আন্তর্জাতিক মাতৃভাষা ইনস্টিটিউটের পরিচালকের নেতৃত্বে গঠিত একটি কমিটি।
- ২.৫ “মনোনয়ন কমিটি” অর্থ পদক প্রদানের লক্ষ্যে বাছাই কমিটির প্রস্তুতকৃত তালিকা থেকে সুপারিশ প্রণয়নের জন্য শিক্ষা মন্ত্রণালয়ের মাননীয় মন্ত্রীর নেতৃত্বে গঠিত একটি কমিটি।
- ২.৬ “পরিচালক” অর্থ আন্তর্জাতিক মাতৃভাষা ইনস্টিটিউট আইন ২০১০ (সংশোধিত ২০১৯)-এর ধারা ১০ অনুযায়ী সরকার কর্তৃক নিযুক্ত পরিচালক।

৩.০ পদকের নাম

আন্তর্জাতিক মাতৃভাষা জাতীয় পদক (International Mother Language National Award) এবং আন্তর্জাতিক মাতৃভাষা আন্তর্জাতিক পদক (International Mother Language International Award)

৪.০ পদকের সংখ্যা

এক বছর পর পর (যেমন ২০২১, ২০২৩, ২০২৫ ইত্যাদি) প্রদেয় পদকের সংখ্যা হবে ৪টি (জাতীয় ক্ষেত্রে ২টি এবং আন্তর্জাতিক পর্যায়ে ২টি—ব্যক্তি/ প্রতিষ্ঠান/সংস্থার অনুকূলে প্রদেয়)।

৫.০ পদকের জন্য আবেদনের পদ্ধতি

- ৫.১. আন্তর্জাতিক মাতৃভাষা ইনস্টিটিউট (আমাই) পদক প্রদানের জন্য নির্ধারিত বছরের পূর্ববর্তী ১লা জুলাইয়ের মধ্যে জাতীয় পর্যায়ে আবেদন বা নাম-প্রস্তাব আহ্বানের জন্য চার বা ততোধিক (কমপক্ষে ২টি বাংলা ও ২টি ইংরেজি) দৈনিক পত্রিকা এবং আন্তর্জাতিক মাতৃভাষা ইনস্টিটিউট, শিক্ষা মন্ত্রণালয়ের মাধ্যমিক ও উচ্চ শিক্ষা বিভাগ ও পররাষ্ট্র মন্ত্রণালয়সহ শিক্ষা মন্ত্রণালয়ের অধীন অন্যান্য সংস্থার বা প্রতিষ্ঠানের ওয়েবসাইটে বিজ্ঞপ্তি প্রকাশ করবে;
- ৫.২. আন্তর্জাতিক মাতৃভাষা ইনস্টিটিউট আন্তর্জাতিক পর্যায়ে ৩১শে আগস্টের মধ্যে নাম সংগ্রহের জন্য ইউনেস্কো-র ওয়েবসাইটে বিজ্ঞপ্তি প্রকাশের ব্যবস্থা গ্রহণ করবে;
- ৫.৩. পদকের জন্য প্রাথমিক আবেদন বা প্রস্তাব যে কোনো ব্যক্তি এবং সরকারি, বেসরকারি ও স্বায়ত্তশাসিত প্রতিষ্ঠান, বিশ্ববিদ্যালয় বা অনুরূপ সংস্থা/প্রতিষ্ঠান কর্তৃক নির্ধারিত ফরম (পরিশিষ্ট – ক/খ) পূরণপূর্বক প্রেরণ করা যাবে।

৬.০ পদকের মান

পদক হিসেবে ১৮ (আঠারো) ক্যারেট মানের ৩৫ (পঁয়ত্রিশ) গ্রাম ওজনের একটি স্বর্ণপদক বা Gold Medal, সম্মাননাপত্র এবং ৪,০০,০০০/- (চার লক্ষ) টাকা কিংবা পাঁচ হাজার ডলার প্রদান করা হবে। উল্লেখ্য, আন্তর্জাতিক মাতৃভাষা ইনস্টিটিউট সরকারের অনুমোদনক্রমে 'আন্তর্জাতিক মাতৃভাষা পদক'-এর সংখ্যা ও অর্থের পরিমাণ সময়ে সময়ে হ্রাস-বৃদ্ধি করতে পারবে।

৭.০ পদক প্রাপ্তির যোগ্যতা

- ৭.১ পৃথিবীর বিভিন্ন মাতৃভাষার সংরক্ষণ, পুনরুজ্জীবন ও বিকাশে বিশেষ অবদান;
- ৭.২ মাতৃভাষার চর্চায় প্রমাণিত বিশেষ অবদান (প্রমাণ: প্রকাশিত মানসম্পন্ন গ্রন্থ);
- ৭.৩ মাতৃভাষার গবেষণায় বিশেষ অবদান;
- ৭.৪ মাতৃভাষার সংরক্ষণ, পুনরুজ্জীবন ও বিকাশে ডিজিটাল প্রযুক্তি উদ্ভাবনে বিশেষ অবদান;
- ৭.৫ বহির্বিশ্বে মাতৃভাষা ও বিদেশি ভাষা প্রচার ও প্রসারে বিশেষ অবদান;
- ৭.৬ মাতৃভাষায় রচিত সাহিত্য ও অন্যান্য বিষয়ে রচিত মৌলিক গ্রন্থাবলি বিদেশি ভাষায় অনুবাদে বিশেষ অবদান (প্রমাণ: প্রকাশিত মানসম্মত গ্রন্থ);
- ৭.৭ বিদেশি ভাষায় রচিত সাহিত্য ও অন্যান্য বিষয়ে রচিত গ্রন্থসমূহের বাংলা ভাষায় অনুবাদে বিশেষ অবদান (প্রমাণ: প্রকাশিত মানসম্মত গ্রন্থ)।

৮.০ আবেদন বা প্রস্তাবের জন্য বিবেচ্য বিষয়াদি

- ৮.১ নির্ধারিত ছকে (পরিশিষ্ট – ক/খ) ও নির্দিষ্ট তারিখের মধ্যে আবেদনপত্রের বা প্রস্তাবের ৩ (তিন) কপি ফরম যথাযথভাবে পূরণ করে বাছাই কমিটির সদস্য-সচিবের নিকট ডাকযোগে বা সরাসরি প্রেরণ করতে হবে এবং এর সফট কপি (Soft Copy) চাহিদামতো নির্ধারিত ই-মেইলে প্রেরণ করতে হবে;
- ৮.২ আবেদনপত্রে বা প্রস্তাবে অসত্য বা অসম্পূর্ণ তথ্য বা অস্পষ্ট বর্ণনা এবং নমুনা অনুযায়ী যথাযথ অভিজ্ঞানপত্র/সনদ/প্রশংসাপত্র (Testimonials/Certificates) সংযোজিত না হলে আবেদনপত্র বাতিল বলে গণ্য হবে;
- ৮.৩ কোন শ্রেণিতে (জাতীয় ও আন্তর্জাতিক) উপযুক্ত ব্যক্তি/প্রতিষ্ঠান খুঁজে পাওয়া না গেলে সেক্ষেত্রে পদক প্রদান সংশ্লিষ্ট বছরের জন্য স্থগিত থাকবে;
- ৮.৪ একই ব্যক্তি বা প্রতিষ্ঠান/সংস্থা 'আন্তর্জাতিক মাতৃভাষা পদক'-এর জন্য দ্বিতীয় বারের জন্য বিবেচিত হবেন না;
- ৮.৫ এই পদক মরণোত্তর (posthumous) প্রদেয় নয়। তবে প্রাপক হিসেবে নাম ঘোষণার পর কোনো ব্যক্তির মৃত্যু হলে তাঁর পক্ষে পরিবারের উত্তরাধিকারী/উত্তরাধিকারিণীদের মধ্য থেকে নির্ধারিত কেউ অথবা উত্তরাধিকারী/উত্তরাধিকারিণী না থাকলে উপযুক্ত কেউ তা গ্রহণ করতে পারবেন। এ জন্য প্রচলিত নিয়মে প্রাপ্ত উত্তরাধিকার বা ওয়ারিশান সনদে সংশ্লিষ্ট জেলা প্রশাসকের/সংশ্লিষ্ট দূতাবাসের প্রতিস্বাক্ষর থাকতে হবে;

৮.৬ বাংলাদেশের নাগরিক স্বদেশে অবস্থানকালে পদক প্রাপকরূপে চূড়ান্তভাবে নাম ঘোষণার পর যদি বাংলাদেশের বাইরে গমন করেন অথবা সেখানে অবস্থান করেন এবং তীর পক্ষে বাংলাদেশে এসে পুরস্কার গ্রহণ করা সম্ভব না হয়, সে ক্ষেত্রে সংশ্লিষ্ট দেশে অবস্থিত বাংলাদেশ দূতাবাস (যদি থাকে) থেকে পদক গ্রহণ করতে পারবেন। তবে এ বিষয়টি আমাই কর্তৃপক্ষকে পূর্বে অবহিত করতে হবে। অনুরূপ ব্যবস্থা পদক প্রাপক হিসেবে নাম ঘোষণার পর মৃত ব্যক্তির ক্ষেত্রেও প্রযোজ্য হবে। সে ক্ষেত্রে মৃত ব্যক্তির উত্তরাধিকারী/উত্তরাধিকারিণীর যথার্থতা সংশ্লিষ্ট দেশে অবস্থিত বাংলাদেশ দূতাবাস কর্তৃক যাচাইপূর্বক পদক প্রদান করা হবে।

এ সংক্রান্ত পদক বিতরণ অনুষ্ঠান দূতাবাসে অনুষ্ঠিত হবে এবং দূতাবাস প্রধান পদক প্রদান করবেন। পুরস্কারের অর্থ দূতাবাস কর্তৃক প্রাপককে প্রদান করা হবে এবং আন্তর্জাতিক মাতৃভাষা ইনস্টিটিউট শিক্ষা মন্ত্রণালয়ের মাধ্যমিক ও উচ্চ শিক্ষা বিভাগের মাধ্যমে পররাষ্ট্র মন্ত্রণালয়/দূতাবাসকে নির্ধারিত অর্থ পুনর্ভরণ করবে।

৯.০ পদক প্রদান সংক্রান্ত কমিটি

প্রতিবছর যথাসময়ে 'আন্তর্জাতিক মাতৃভাষা পদক' প্রদান নিশ্চিতকরণার্থে দুটি কমিটি কাজ করবে; এগুলোর নাম হবে: (ক) বাছাই কমিটি এবং (খ) মনোনয়ন কমিটি।

৯.১ বাছাই কমিটির রূপরেখা

৯.১.১ মহাপরিচালক, আন্তর্জাতিক মাতৃভাষা ইনস্টিটিউট	: সভাপতি
৯.১.২ মহাপরিচালক (আন্তর্জাতিক সংস্থা), পররাষ্ট্র মন্ত্রণালয়	: সদস্য
৯.১.৩ পরিচালক (প্রশাসন, অর্থ ও প্রশিক্ষণ), আ.মা.ই.	: সদস্য
৯.১.৪ প্রতিনিধি, মন্ত্রিপরিষদ বিভাগ (যুগ্মসচিবের নিচে নয়)	: সদস্য
৯.১.৫ প্রতিনিধি, জনপ্রশাসন মন্ত্রণালয় (যুগ্মসচিবের নিচে নয়)	: সদস্য
৯.১.৬ প্রতিনিধি, মাধ্যমিক ও উচ্চশিক্ষা বিভাগ, শিক্ষা মন্ত্রণালয় (যুগ্মসচিবের নিচে নয়)	: সদস্য
৯.১.৭ প্রতিনিধি, প্রাথমিক ও গণশিক্ষা মন্ত্রণালয় (যুগ্মসচিবের নিচে নয়)	: সদস্য
৯.১.৮ প্রতিনিধি, সংস্কৃতিবিষয়ক মন্ত্রণালয় (যুগ্মসচিবের নিচে নয়)	: সদস্য
৯.১.৯ চেয়ারম্যান, ভাষাবিজ্ঞান বিভাগ, ঢাকা বিশ্ববিদ্যালয়	: সদস্য
৯.১.১০ ডেপুটি সেক্রেটারি জেনারেল, বাংলাদেশ জাতীয় ইউনেকো কমিশন	: সদস্য
৯.১.১১-১২ একজন নারীসহ বিশিষ্ট ২-জন ব্যক্তি (মহাপরিচালক, আ.মা.ই. কর্তৃক মনোনীত এবং শিক্ষা মন্ত্রণালয়ের মাধ্যমিক ও উচ্চশিক্ষা বিভাগ কর্তৃক অনুমোদিত)	: সদস্য
৯.১.১৩ পরিচালক (ভাষা, গবেষণা ও পরিকল্পনা), আ.মা.ই.	: সদস্য-সচিব

৯.২ কর্মপরিশি

- ৯.২.১ প্রাপ্ত আবেদন/নাম-প্রস্তাব বাছাইপূর্বক জাতীয় পর্যায়ে এবং আন্তর্জাতিক পর্যায়ে ব্যক্তি/প্রতিষ্ঠানের নামের তালিকা প্রণয়ন করে ৩১ অক্টোবরের মধ্যে মনোনয়ন কমিটির নিকট প্রেরণ করবে।
- ৯.২.২ কমিটি মনোনয়ন প্রদানের উদ্দেশ্যে প্রয়োজনে সংশ্লিষ্টদের সাক্ষাৎকার গ্রহণ অথবা ই-মেইলের মাধ্যমে তাঁদের সঙ্গে যোগাযোগ করতে পারবে।

৯.৩ মনোনয়ন কমিটির রূপরেখা

৯.৩.১ মাননীয় মন্ত্রী, শিক্ষা মন্ত্রণালয়	: সভাপতি
৯.৩.২ মাননীয় প্রতিমন্ত্রী/উপমন্ত্রী, শিক্ষা মন্ত্রণালয়	: সহ-সভাপতি
৯.৩.৩ সিনিয়র সচিব/সচিব, মাধ্যমিক ও উচ্চশিক্ষা বিভাগ, শিক্ষা মন্ত্রণালয়	: সদস্য
৯.৩.৪ সিনিয়র সচিব/সচিব, জনপ্রশাসন মন্ত্রণালয়	: সদস্য
৯.৩.৫ সিনিয়র সচিব/সচিব, অর্থ বিভাগ	: সদস্য
৯.৩.৬ সিনিয়র সচিব/সচিব, পররাষ্ট্র মন্ত্রণালয়	: সদস্য
৯.৩.৭ সিনিয়র সচিব/সচিব, সংস্কৃতিবিষয়ক মন্ত্রণালয়	: সদস্য
৯.৩.৮ সিনিয়র সচিব/সচিব, প্রাথমিক ও গণশিক্ষা মন্ত্রণালয়	: সদস্য
৯.৩.৯ সিনিয়র সচিব/সচিব, তথ্য মন্ত্রণালয়	: সদস্য
৯.৩.১০ সচিব, সমন্বয় ও সংস্কার, মন্ত্রিপরিষদ বিভাগ	: সদস্য
৯.৩.১১ অতিরিক্ত সচিব (প্রশাসন ও অর্থ), মাধ্যমিক ও উচ্চশিক্ষা বিভাগ, শিক্ষা মন্ত্রণালয়	: সদস্য
৯.৩.১২ প্রতিনিধি, প্রধানমন্ত্রীর কার্যালয় (মহাপরিচালকের নিচে নয়)	: সদস্য
৯.৩.১৩ মহাপরিচালক, বাংলা একাডেমি	: সদস্য

৯.৩.১৪ পরিচালক, আধুনিক ভাষা ইনস্টিটিউট, ঢাকা বিশ্ববিদ্যালয়
৯.৩.১৫ মহাপরিচালক, আন্তর্জাতিক মাতৃভাষা ইনস্টিটিউট

: সদস্য
: সদস্য-সচিব

৯.৪ কর্মপরিশি

- ৯.৪.১ বাছাই কমিটি কর্তৃক প্রেরিত তালিকা হতে জাতীয় পর্যায়ে ৩/৪টি নাম এবং আন্তর্জাতিক পর্যায়ে ৩/৪টি নাম নির্বাচন করবে।
- ৯.৪.২ কমিটি প্রয়োজনে বাছাই কমিটির প্রেরিত তালিকায় বর্ণিত ব্যক্তি বা প্রতিষ্ঠান সম্পর্কে অনুসন্ধান ও সংশ্লিষ্টদের সাক্ষাৎকার গ্রহণ করতে পারবে।
- ৯.৪.৩ কমিটি মাননীয় প্রধানমন্ত্রীর চূড়ান্ত অনুমোদনের জন্য সুপারিশ প্রণয়ন করবে।
- ৯.৪.৪ কমিটি প্রয়োজনীয় সংখ্যক সদস্য কো-অপ্ট করতে পারবে।

১০.০ পদক প্রদান সংক্রান্ত কার্যক্রমের ব্যয়

প্রতিবছর পদক প্রদান সংক্রান্ত কার্যক্রম বাস্তবায়নের জন্য আন্তর্জাতিক মাতৃভাষা ইনস্টিটিউটের বাজেটে প্রয়োজনীয় অর্থ বরাদ্দ থাকবে। এ-বরাদ্দ নিশ্চিত করতে শিক্ষা মন্ত্রণালয়ের মাধ্যমিক ও উচ্চ শিক্ষা বিভাগ ও অর্থ মন্ত্রণালয় থেকে প্রয়োজনীয় অনুমোদন গ্রহণ করতে হবে।

১১.০ পদক প্রদান-প্রক্রিয়া বাস্তবায়নের সময়সূচি

পদক প্রদানের ক্ষেত্রে পূর্ববর্তী বছরের ডিসেম্বর পর্যন্ত কর্মকৃতি এবং বিশেষ ক্ষেত্রে প্রাপক-ব্যক্তির সমগ্র জীবনের বা প্রতিষ্ঠানের সার্বিক অবদান বিবেচনায় নেয়া যাবে।

১১.১ পদক প্রদান সংক্রান্ত যাবতীয় প্রক্রিয়া সম্পাদনের সময়সূচি হবে নিম্নরূপ

- ১১.১.১ আবেদন বা প্রস্তাব আহ্বান এবং সংগ্রহ : ১লা জুলাইয়ের মধ্যে
(আন্তর্জাতিক ক্ষেত্রে দু'তাসের ওয়েবসাইটে এবং জাতীয় ক্ষেত্রে চার বা ততোধিক দৈনিক পত্রিকায় বিজ্ঞপ্তি প্রকাশের মাধ্যমে)
- ১১.১.২ আবেদন বা প্রস্তাব জমা প্রদানের/সংগ্রহের শেষ দিন : ৩১শে আগস্টের মধ্যে
- ১১.১.৩ বাছাই কমিটি কর্তৃক আবেদন যাচাই-বাছাই : ৩০শে সেপ্টেম্বরের মধ্যে
- ১১.১.৪ মনোনীত নাম-প্রস্তাব 'মনোনয়ন কমিটি'র নিকট প্রেরণ : ৩১শে অক্টোবরের মধ্যে
- ১১.১.৫ মনোনয়ন কমিটি কর্তৃক মনোনয়ন চূড়ান্তকরণ : ৩০শে নভেম্বরের মধ্যে
- ১১.১.৬ মাননীয় প্রধানমন্ত্রী কর্তৃক মনোনয়ন অনুমোদন : ৩১শে ডিসেম্বরের মধ্যে
- ১১.১.৭ 'আন্তর্জাতিক মাতৃভাষা পদক' ঘোষণা
(এক বা একাধিক দৈনিক পত্রিকায় বিজ্ঞপ্তি প্রকাশের মাধ্যমে) : ১৫ই জানুয়ারির মধ্যে
- ১১.১.৮ আনুষ্ঠানিকভাবে পদক প্রদান : ২১শে ফেব্রুয়ারি

১২.০ পদক প্রাপকের উপাধি ব্যবহার

পদকপ্রাপ্ত ব্যক্তি (গণ) International Mother Language Awardee হিসাবে বিবেচিত হবেন এবং তাঁরা ইচ্ছে করলে নামের শেষে 'IMLA' উপাধি ব্যবহার করতে পারবেন।

স্বাক্ষরিত/-
(মো: আবু বকর ছিদ্দীক)
সচিব
মাধ্যমিক ও উচ্চশিক্ষা বিভাগ
শিক্ষা মন্ত্রণালয়

অনুলিপি: সদয় কার্যার্থে ও জ্ঞাতার্থে (জ্যেষ্ঠতার ভিত্তিতে নয়) :

১. মন্ত্রিপরিষদ সচিব, মন্ত্রিপরিষদ বিভাগ, বাংলাদেশ সচিবালয়, ঢাকা।
২. মুখ্য সচিব, প্রধানমন্ত্রীর কার্যালয়, পুরাতন সংসদ ভবন, ঢাকা।
৩. মহাহিসাব নিরীক্ষক ও নিয়ন্ত্রক, মহাহিসাব নিরীক্ষক ও নিয়ন্ত্রক-এর কার্যালয়, কাকরাইল, ঢাকা।
৪. সিনিয়র সচিব/সচিব.....
৫. অতিরিক্ত সচিব (সকল), মাধ্যমিক ও উচ্চ শিক্ষা বিভাগ, শিক্ষা মন্ত্রণালয়, বাংলাদেশ সচিবালয়, ঢাকা।
৬. কমিশনার..... বিভাগ (সকল)।
৭. মহাপরিচালক, বাংলাদেশ শিক্ষাতথ্য ও পরিসংখ্যান ব্যুরো (ব্যানবেইস), ঢাকা।
৮. ডেপুটি সেক্রেটারি জেনারেল, বাংলাদেশ ইউনেস্কো জাতীয় কমিশন, ঢাকা।
৯. ব্যবস্থাপনা পরিচালক, প্রধানমন্ত্রীর শিক্ষা সহায়তা ট্রাস্ট, ঢাকা।
১০. প্রধান প্রকৌশলী, শিক্ষা প্রকৌশল অধিদপ্তর, ঢাকা।
১১. মহাপরিচালক, আন্তর্জাতিক মাতৃভাষা ইনস্টিটিউট, সেগুনবাগিচা, ঢাকা।
১২. মহাপরিচালক, মাধ্যমিক ও উচ্চ শিক্ষা অধিদপ্তর, ঢাকা।
১৩. মহাপরিচালক, জাতীয় শিক্ষা ব্যবস্থাপনা একাডেমি, ঢাকা।
১৪. জেলা প্রশাসক.....সকল।
১৫. মাননীয় মন্ত্রীর একান্ত সচিব, শিক্ষা মন্ত্রণালয়, বাংলাদেশ সচিবালয়, ঢাকা।
১৬. সিনিয়র সচিব মহোদয়ের একান্ত সচিব, মাধ্যমিক ও উচ্চ শিক্ষা বিভাগ, শিক্ষা মন্ত্রণালয়, বাংলাদেশ সচিবালয়, ঢাকা।
১৭. মাননীয় উপমন্ত্রীর একান্ত সচিব, শিক্ষা মন্ত্রণালয়, বাংলাদেশ সচিবালয়, ঢাকা।
১৮. সিনিয়র সিস্টেম এনালিস্ট, মাধ্যমিক ও উচ্চ শিক্ষা বিভাগ, শিক্ষা মন্ত্রণালয়, বাংলাদেশ সচিবালয়, ঢাকা।
১৯. প্রধান হিসাবরক্ষণ কর্মকর্তা, শিক্ষা মন্ত্রণালয়, ৪৫, পুরানা পল্টন, ঢাকা।

(Handwritten signature)
০৬/০৭/২০২২

(সাইফুর রহমান খান)

উপসচিব (প্রশাসন ও সংস্থাপন)

ফোন : ৯৫৪৯১৩০

ই-মেইল : sas_admin1@moedu.gov.bd

পদক পুরস্কারের জন্য প্রস্তাবিত ব্যক্তি সম্পর্কিত তথ্য ছক

প্রস্তাবিত ব্যক্তির পাসপোর্ট
আকারের ২টি ও স্ট্যাম্প
আকারের ২টি রঙিন ছবি সংযুক্ত
করতে হবে।

প্রস্তাবিত ব্যক্তি সম্পর্কিত তথ্য

১.০ ব্যক্তিগত তথ্য

- ১.১ নাম
বাংলায় :
ইংরেজিতে (বড় অক্ষরে):
- ১.২ পিতার নাম :
- ১.৩ মাতার নাম :
- ১.৪ জন্ম তারিখ :
- ১.০৫ জাতীয় পরিচয়পত্রের নম্বর :
- ১.৬ নাগরিকত্ব :
- ১.৭ স্থায়ী ঠিকানা :
- ১.৮ বর্তমান ঠিকানা :
- ১.৯ ফোন নম্বর : অফিস :
মোবাইল ফোন নম্বর :
- ১.১০ ফ্যাক্স নম্বর :
- ১.১১ ইমেইল আইডি :

আবাসিক :

২.০ শিক্ষাগত যোগ্যতা

ক্রমিক নং	শিক্ষার স্তর	শিক্ষা প্রতিষ্ঠানের নাম ও ঠিকানা	শিক্ষাজীবনের বিশেষ কৃতিত্ব (যদি থাকে)
২.১	প্রাথমিক বিদ্যালয়		
২.২	এস.এস.সি/সমমান		
২.৩	এইচ.এস.সি/সমমান		
২.৪	স্নাতক/সমমান		
২.৫	স্নাতকোত্তর/সমমান		
২.৬	উচ্চতর ডিগ্রি		
২.৭	উল্লেখযোগ্য অন্য কোনো সার্টিফিকেট/ডিপ্লোমা		

৩.০ প্রকাশিত উল্লেখযোগ্য গবেষণা/প্রবন্ধ/বই ইত্যাদির বিবরণ

ক্রমিক নং	প্রকাশিত গবেষণা/প্রবন্ধ/বই ইত্যাদির শিরোনাম	প্রকাশক/জার্নালের নাম, প্রকাশনার স্থান ও বৎসর	মন্তব্য

৪.০ প্রাপ্ত উল্লেখযোগ্য পুরস্কার/সম্মাননা/পদক ইত্যাদির বিবরণ

ক্রমিক নং	পুরস্কার/সম্মাননা/পদকের নাম ও প্রাপ্তির বৎসর	পুরস্কার/সম্মাননা/পদক যে কাজের জন্য পেয়েছেন	মন্তব্য

৫.০ সামাজিক/সাংস্কৃতিক/রাজনৈতিক ক্ষেত্রে উল্লেখযোগ্য কার্যক্রম

ক্রমিক নং	সংস্থার নাম ও ঠিকানা	কোনো দায়িত্বপূর্ণ পদে থাকলে পদের নাম ও সময়কাল	বিশেষ কৃতিত্ব (যদি থাকে)

৬.০ যেক্ষেত্রে অবদানের স্বীকৃতিস্বরূপ পুরস্কার প্রদানের প্রস্তাব করা যাচ্ছে সেক্ষেত্রে প্রস্তাবিত ব্যক্তির অবদান

৭.০ উল্লেখ করার মত অন্য কোনো গুরুত্বপূর্ণ তথ্য থাকলে তার বিবরণ

৮.০ প্রস্তাব বিবেচনাকালে জরুরি কোনো তথ্যের জন্য বা অন্য যে-কোনো প্রয়োজনে যার সঙ্গে যোগাযোগ করতে হবে

৮.১ নাম :

৮.২ বর্তমান ঠিকানা :

৮.৩ ফোন ও মোবাইল ফোন নম্বর :

৮.৪ ফ্যাক্স নম্বর :

৮.৫ ইমেইল ঠিকানা :

৯.০ পুরস্কারপ্রাপ্ত ব্যক্তি অনিবার্য কারণে পুরস্কার বিতরণ অনুষ্ঠানে উপস্থিত থাকতে না পারলে যিনি পুরস্কার গ্রহণ করবেন

৯.১ নাম :

৯.২ বর্তমান ঠিকানা :

৯.৩ ফোন ও মোবাইল ফোন নম্বর :

৯.৪ ফ্যাক্স নম্বর :

৯.৫ ইমেইল ঠিকানা :

১০.০ প্রস্তাব

..... (প্রস্তাবিত ব্যক্তির নাম) সম্পর্কে উপরে প্রদত্ত তথ্য
এবং সংযুক্ত কাগজপত্র আমার জানামতে সঠিক। দেশ ও জাতির কল্যাণে অনন্যসাধারণ অবদান ও সামগ্রিক জীবনের অর্জন
বিবেচনায় তিনি ----- পুরস্কার পাওয়ার যোগ্য। আমি ২০..... সালে ক্ষেত্রে তাঁকে -----
--- পুরস্কার প্রদানের প্রস্তাব করছি।

তারিখ :

প্রস্তাবকারীর স্বাক্ষর
(.....প্রস্তাবকারীর নাম.....)
সীল (প্রযোজ্য ক্ষেত্রে)

১১.০ প্রস্তাবকারীর তথ্য :

- ১১.১ প্রস্তাবকারী আন্তর্জাতিক মাতৃভাষা ইনস্টিটিউট পদক প্রাপ্ত হলে প্রাপ্তির বৎসর :
- ১১.২ প্রস্তাবকারী মন্ত্রণালয়/বিভাগ এর স্বাক্ষরকারীর পদবি ও মন্ত্রণালয়/বিভাগের নাম :
- ১১.৩ বর্তমান ঠিকানা :
- ১১.৪ ফোন ও মোবাইল ফোন নম্বর :
- ১১.৫ ফ্যাক্স নম্বর :
- ১১.৬ ইমেইল আইডি :

১২.০ প্রস্তাবিত ছক পূরণের বিষয়ে নির্দেশিকা

- ১২.১ মন্ত্রণালয়/বিভাগ হতে প্রস্তাবের ক্ষেত্রে মন্ত্রণালয়/বিভাগের সিনিয়র সচিব/সচিব প্রস্তাব স্বাক্ষর করবেন।
- ১২.২ প্রস্তাবের সকল পাতায় এবং সংলাগসমূহে প্রস্তাবক অনুস্বাক্ষর করবেন।
- ১২.৩ প্রস্তাব A4 আকারের কাগজে একদিকে কম্পিউটার কম্পোজ করে প্রস্তুত করতে হবে এবং Nikosh Font/SutonnyMj font এ CD-তে প্রস্তাবের Soft copy প্রেরণ করতে হবে।
- ১২.৪ প্রস্তাবিত ব্যক্তির জাতীয় পরিচয়পত্র ও জন্ম সনদের ফটোকপি প্রস্তাবের সাথে সংযুক্ত করতে হবে।
- ১২.৫ প্রস্তাব ছকের ৬ ও ৭ অনুচ্ছেদে সংক্ষেপে (অনধিক ৩০০ শব্দ) সুনির্দিষ্ট তথ্য প্রদান করতে হবে। প্রয়োজনে সেসব বিষয়ে বিস্তারিত তথ্য পৃথক কাগজে প্রস্তাবের সঙ্গে সংলাগ আকারে প্রদান করা যাবে।
- ১২.৬ ছকের যেসব বিষয় প্রস্তাবিত ব্যক্তির জন্য প্রযোজ্য নয় সেসব বিষয়ে “প্রযোজ্য নয়” এবং যেগুলি নাই সেগুলির ক্ষেত্রে “নাই” লিখতে হবে।
- ১২.৭ পদকের জন্য মনোনীত ব্যক্তি পুরস্কার গ্রহণের পূর্বে মৃত্যুবরণ করলে তাঁর পরিবারের বৈধ উত্তরাধিকারী এবং উত্তরাধিকারী না থাকলে উপযুক্ত কেউ পদক গ্রহণ করতে পারবেন। এজন্য প্রচলিত নিয়মে প্রাপ্ত উত্তরাধিকার বা ওয়ারিশান সনদে সংশ্লিষ্ট জেলা প্রশাসকের প্রতিস্বাক্ষর থাকতে হবে।
- ১২.৮ ছকটি <http://www.imli.gov.bd> ঠিকানা হতে ডাউনলোড করে ব্যবহার করা যাবে।



পদক পুরস্কারের জন্য প্রস্তাবিত প্রতিষ্ঠান সম্পর্কিত তথ্য ছক

প্রস্তাবিত প্রতিষ্ঠান প্রধানের
পাসপোর্ট আকারের ২টি ও
স্ট্যাম্প আকারের ২টি রঙিন ছবি
সংযুক্ত করতে হবে।

প্রস্তাবিত প্রতিষ্ঠান সম্পর্কিত তথ্য

১.০ ব্যক্তিগত তথ্য

১.১ নাম

বাংলায় :

ইংরেজিতে (বড় অক্ষরে) :

১.২ পূর্ণ ঠিকানা :

১.৩ রেজিস্ট্রেশন নম্বর ও রেজিস্ট্রেশনের বৎসর (প্রযোজ্য ক্ষেত্রে) :

১.৪ প্রধান নির্বাহীর নাম :

১.৫ প্রধান নির্বাহী পদবি :

১.৬ ফোন নম্বর : অফিস :

আবাসিক :

মোবাইল ফোন নম্বর :

১.৭ ফ্যাক্স নম্বর :

১.৮ ওয়েবসাইট ঠিকানা:

১.৯ ইমেইল আইডি :

২.০ প্রতিষ্ঠানের উল্লেখযোগ্য কার্যক্রম এবং অর্জন/অবদান/কৃতিত্বসমূহ

৩.০ প্রাপ্ত উল্লেখযোগ্য পুরস্কার/সম্মাননা/পদক

ক্রমিক নং	পুরস্কার/সম্মাননা/পদকের নাম ও প্রাপ্তির বৎসর	পুরস্কার/সম্মাননা/পদক যে কাজের জন্য পেয়েছেন	মন্তব্য

৪.০ যে ক্ষেত্রে অবদানের স্বীকৃতিস্বরূপ পুরস্কার প্রদানের প্রস্তাব করা হচ্ছে সেক্ষেত্রে প্রস্তাবিত প্রতিষ্ঠানের অবদান

৫.০ উল্লেখ করার মত অন্য কোনো গুরুত্বপূর্ণ তথ্য থাকলে তার বিবরণ

৬.০ সংযোজিত রিপোর্টসমূহ [টিক (√) অথবা নাই (x) সূচক চিহ্ন দিন]

৬.১ সালের বার্ষিক প্রতিবেদন (সর্বশেষটি)

৬.২ সালের বার্ষিক সাধারণ সভার কার্যবিবরণী (সর্বশেষটি)

৬.৩ সালের অডিট প্রতিবেদন (সর্বশেষটি)

৬.৪

ও তারিখে অনুষ্ঠিত বোর্ড অব গভর্নরস/বোর্ড অব ডাইরেক্টরস/ম্যানেজিং কমিটির সভার কার্যবিবরণী (সর্বশেষ ৫টি)।

৭.০ প্রস্তাব বিবেচনাকালে জরুরি কোনো তথ্যের জন্য বা অন্য যে-কোনো প্রয়োজনে যার সঙ্গে যোগাযোগ করতে হবে

৭.১ নাম :

৭.২ পদবি :

৭.৩ ঠিকানা :

৭.৪ ফোন ও মোবাইল ফোন নম্বর :

৭.৫ ফ্যাক্স নম্বর :

৭.৬ ইমেইল আইডি :

৮.০ প্রতিষ্ঠান প্রধান পুরস্কার বিতরণ অনুষ্ঠানে অনিবার্য কারণে উপস্থিত থাকতে না পারলে তার স্থলে উপযুক্ত যিনি পুরস্কার গ্রহণ করবেন

৮.১ নাম :

৮.২ পদবি :

৮.৩ ঠিকানা :

৮.৪ ফোন ও মোবাইল ফোন নম্বর :

৮.৫ ফ্যাক্স নম্বর :

৮.৬ ইমেইল ঠিকানা :

৯.০ প্রস্তাব

..... (প্রস্তাবিত প্রতিষ্ঠানের নাম) সম্পর্কে উপরে প্রদত্ত তথ্য এবং সংযুক্ত কাগজপত্র আমার জানামতে সঠিক। দেশ ও জাতির কল্যাণে অনন্যসাধারণ অবদান বিবেচনায় প্রতিষ্ঠানটি----- পুরস্কার পাওয়ার যোগ্য। আমি ২০..... সালে ক্ষেত্রে প্রতিষ্ঠানটিকে----- পুরস্কার প্রদানের প্রস্তাব করছি।

তারিখ :

প্রস্তাবকারীর স্বাক্ষর
(.....প্রস্তাবকারীর নাম.....)
সীল (প্রযোজ্য ক্ষেত্রে)

১০.০ প্রস্তাবকারীর তথ্য :

১০.১ প্রস্তাবকারী আন্তর্জাতিক মাতৃভাষা ইনস্টিটিউট পদকপ্রাপ্ত হলে প্রাপ্তির বৎসর :

১০.২ প্রস্তাবকারী মন্ত্রণালয়/বিভাগ এর হলে স্বাক্ষরকারীর পদবি ও মন্ত্রণালয়/বিভাগের নাম :

১০.৩ বর্তমান ঠিকানা :

১০.৪ ফোন ও মোবাইল ফোন নম্বর :

১০.৫ ফ্যাক্স নম্বর :

১০.৬ ইমেইল আইডি :

১১.০ প্রস্তাবিত ছক পূরণের বিষয়ে নির্দেশিকা

১১.১ মন্ত্রণালয়/বিভাগ হতে প্রস্তাবের ক্ষেত্রে মন্ত্রণালয়/বিভাগের সচিব প্রস্তাব স্বাক্ষর করবেন।

১১.২ প্রস্তাবের সকল পাতায় এবং সংলাগসমূহে প্রস্তাবক অনুস্বাক্ষর করবেন।

১১.৩ প্রস্তাব A4 আকারের কাগজে একদিকে কম্পিউটার কম্পোজ করে প্রস্তুত করতে হবে এবং Nikosh Font/SutonnyMj font এ CD-তে প্রস্তাবের Soft copy প্রেরণ করতে হবে।

১১.৪ প্রস্তাবিত ব্যক্তির জাতীয় পরিচয়পত্র ও জন্ম সনদের ফটোকপি প্রস্তাবের সাথে সংযুক্ত করতে হবে।

১১.৫ প্রস্তাব ছকের ৪ ও ৫ অনুচ্ছেদে সংক্ষেপে (অনধিক ৩০০ শব্দ) সুনির্দিষ্ট তথ্য প্রদান করতে হবে। প্রয়োজনে সেসব বিষয়ে বিস্তারিত তথ্য পৃথক কাগজে প্রস্তাবের সঙ্গে সংলাগ আকারে প্রদান করা যাবে।

১১.৬ ছকের যেসব বিষয় প্রস্তাবিত ব্যক্তির জন্য প্রযোজ্য নয় সেসব বিষয়ে “প্রযোজ্য নয়” এবং যেগুলি নাই সেগুলির ক্ষেত্রে “নাই” লিখতে হবে।

১১.৭ ছকটি <http://www.imli.gov.bd> ঠিকানা হতে ডাউনলোড করে ব্যবহার করা যাবে।